

雷公云凡使採得後先用銅刀刮去上黃赤毛盡便細切用酒拌令潤架柳甑蒸二日後出暴乾用又乾寧記云去毛細切後用生蜜拌蒸從已至亥準前暴乾擣中用炮猪腎空心喫治耳鳴亦能正諸雜痛靈苑方治虛氣攻牙齒痛血出牙齦疼痛骨碎補二兩細剉炒令黑色杵末依常鹽漱後揩齒根下良久吐之臨卧用後睡嚙之無妨


圖經行義本草卷之十八

圖經行義本草卷之十九

事六

宋通且即辨駁藥材寇宗奭編撰
宋大醫助 辨驗藥材許洪校正

草部上品
木賊



木賊味甘微苦無毒主有疾退翳膜又消積塊益肝膽明目療腸風止痢及婦人月水不調得牛角總射香治休息痢歷久不差得禹餘糧當歸芍藥療崩中赤白得槐葉桑耳腸風下血服之效又與槐子枳實相宜主痔疾出血出秦隴華成諸郡近水地苗長尺許叢生每根葉蕈無花葉寸十有節色青稜冬不凋四月採用之新定
圖經曰木賊生秦隴同華間味微苦無毒主明目療風止痢所生山谷近水地有之獨莖苗如箭哥無葉長一二尺青色經冬

不枯寸寸有節採無時今醫用之最多甚治腸痔多年不差下血不止木賊枳殼各二兩乾薑一兩大黃一分四味並判一處於銚子內炒黑色存三分性擣羅溫粟米飲調食前服二錢七甚效

廣利方治瀉血不止木賊十二分切以水一升八合煎取八合去滓空心溫分二服如人行五里再服

衍義曰木賊細剉微炒搗為末沸湯點二錢食前服治小腸膀胱氣緩緩服必效

百毒味苦平無毒主久效上氣喘逆久寒篤性茹疥白禿瘍氣殺皮膚小蟲可以染黃作金色生青衣川谷九月十月採

畏鼠婦○陶隱居云青衣在益州西

唐本注云此草葉似薄而細竹莖亦圓小生乎澤溪澗之側荆襄人煮以染黃色極鮮好洗瘡有效俗名葉草爾雅云所謂王芻有也○禹錫等按爾雅疏云葉鹿蓐也今呼鴨脚莎詩衛風云瞻彼淇澳棗竹猗猗是也藥性論云蓋草便治一切惡食

蒲公草



味甘平無毒生婦人乳癰腫水煎汁飲之及封之立消一名搗痔草

唐本注云葉似苦苣花黃斷有白汁人皆敬之唐本先附禹錫等按蜀本圖經云花如菊而大莖葉斷之俱有白外堪生食生平澤田園中四月五月採之

圖經曰蒲公草舊不著所出州土今處處平澤田園中皆有之春初生苗葉如苦苣有細刺中心抽一莖莖端出一花色黃如金錢斷其莖有白汁人亦敬之俗呼為蒲公英英語訛為僕公嬰是也水煎汁以療婦人乳癰又搗以傳瘡皆佳又治惡刺及狐尿刺搗取根莖白汁塗之惟多塗立差止此方出孫思邈千金方其序云余以正觀五年七月十五日夜以左手中指背觸著

庭木至晚遂患痛不可忍經十日痛日深瘡日高大色如熟小豆色嘗聞長者之論有此方遂依治之手下則愈痛亦除瘡亦即差未十日而平復楊炎南行方亦著其效云

梅師方治產後不自乳兒畜積乳汁結作癰取蒲公草搗傳腫上日三四度易之

江寧



秦州



味辛溫無毒主療喉痺齒風痛及諸瘡疥飼馬主蟲類毛焦等病二月三月於穀田中採之一名戴星草花白而小圓似星故

有此名爾


今附禹錫等按日華子云涼饒飼馬肥二月三月於田中生白花者結水銀成沙子圖經曰穀精草舊不載所出州土今處處有之春生於穀田中葉幹俱青根花並白

色二月三月內採花用一名戴星草以其葉細花白而小圓似星故以名爾又有一種葉細莖梗差長有節根微赤出秦隴間古方稀用今口齒藥多使之

陳藏器云味甘平亦入馬藥用之白花細葉

集驗方治偏正頭痛穀精草一兩為末用白麵調攤紙花子上貼痛處乾又換

路州



味苦微寒無毒主身皮膚熱氣可作俗湯殺牛蟲小蟲又療牛病生桂陽川俗

陶隱居云今人不復識此牛疫代代不無用之既要牛醫家應用而亦無知者

唐本注云此藥葉似三莖石龍芮等根如秦芫而細生平澤下濕地田野人名為牛

扁療牛蟲甚效太常貯名扁特或名扁毒禹錫等按蜀本圖經云葉似石龍芮附子

等今出寧州二月八月採根日乾

圖經曰牛扁出桂陽山谷今潞州寧州亦有之葉似三莖石龍芮等根如秦芫而細

多生平澤下濕地二月八月採以日乾今亦稀用按本經云殺牛蟲小蟲蘇恭注云

太常貯名扁特今潞州上一種名便特六月有花八月結實採其根搗末油調殺蟻

蟲根苗主療大都相似疑此即是牛扁但扁便不同豈聲近而字訛乎今以附之

苦天 微寒主面目通身漆瘡

陶隱居云處處有之切人取莖生食

之五月五日採暴乾燒作灰以療金瘡甚驗

唐本注云今人以為漏蘆非也

禹錫等按蜀本圖經云子若貓薊莖圓無刺五月採苗堪生噉所在下濕地有之藥性論云苦芙草亦可單用味苦無毒

日華子云冷治丹毒

食療云苦芙微寒生食治漆瘡五月五日採暴乾作灰傳面目通身漆瘡不堪多食

昨



昨 味酸寒無毒主惡瘡癩瘻傳之殺諸小蟲生道傍

唐本注云葉如細葎叢生莖頭有三葉一名醋母草一名鳩酸草今按別本注云生

陰濕處俗為小酸茅食之解熱渴四月五月採陰乾唐本先附臣禹錫等謹按蜀本

圖經云葉似水萍兩葉並大葉同枝端黃色實黑生下濕地夏採葉用之


圖經曰酢漿草俗呼為酸漿舊不載所出

州土云生道傍今南中下濕地及人家園圃中多有之此地亦有生者葉如水萍叢生莖端有三葉葉間生細黃花實黑夏月採葉用初生嫩時小兒多食之南人用指鑰石器令白如銀色光艷

昨 味酸平無毒主口中乾痛水穀血痢止血生上黨屋上如蓬初生一名瓦松夏採日乾

唐本注云葉似蓬高尺餘遠望如松纒生年久瓦屋上○今按別本注云今處處有皆入藥用生眉鬢膏為要爾唐本先附禹錫等按蜀本圖經云六月七月採苗日乾

之聖惠方治頭風白屑用瓦松暴乾燒灰淋汁熱洗頭不過五七度



藥 味辛寒有毒主癰腫風毒摩傳腫上
 搗碎以灰汁煮成餅五味調和為茹食性冷
 主消渴生戰人喉出血生吳蜀葉似由跋半
 夏根大如椀生陰地雨滴葉下生子一名茹
 弱又有斑杖苗相似至秋有花直出生赤子
 其根傳癰腫毒甚好根如莖頭毒猛不堪食
 今附禹錫等按曰華子云班杖者虎杖之
 別名即前條虎杖是也
 圖經曰文具天南星條下

夏枯草

州 滁



夏枯草 味苦辛寒無毒主寒熱瘰癧鼠瘻頭
 瘡破癥散癭結氣脚腫濕痺輕身一名夕句
 一名乃東一名燕面生蜀郡川谷四月採
 土瓜為之使
 唐本注云此草生平澤葉似旋復首春即
 生四月穗出其花紫白似丹參花五月便

枯處處有之

圖經曰夏枯草生蜀郡川谷今河淮浙州
 郡亦有之冬至後生葉似旋復三月四月
 開花作穗紫白色似丹參花結子亦作穗
 至五月枯四月採

簡要濟衆治肝虛目暗痰冷淚不赤筋脉痛
 及眼羞明怕日補肝散夏枯草半兩香附
 子一兩共為末每服一錢煎茶調下無時
 候服

衍義曰夏枯草今又謂之鬱鼻自秋便生
 經冬不瘁春開白花中夏結子遂枯古方
 丸燒灰合紫面藥初生嫩時作菜食之須浸
 洗淘去苦水治瘰癧鼠漏
 燕蔴草無毒主眠中遺溺不覺燒令黑研水
 進方寸匕亦主噦氣此燕窠中草也

新補見陳藏器曰華子
 千金方治婦人無故尿血胡燕窠中草燒
 末用酒服半錢亦治丈夫
 孫真人食忌主卒患腰惡瘡若先發於心
 已有汁者以胡燕窠末和水塗之治不可

遲過身即害人死

藥 味苦大寒無毒主寒熱瘰癧瘰飲下
 腫肉癥澀滯小兒丹毒發熱狂癩大腹痞滿
 身面氣腫熱痢蛇犬咬癰疽等毒和赤小豆
 煮下水氣濕痺利小便生江東淮南平地葉
 如竹高一二尺花深碧有角如烏嘴北人呼
 為雞舌草亦名鼻所草吳人呼為距距斫聲
 相近也一名碧竹子花好為色

新補見陳藏器曰華子

山慈菘根有小毒主癰腫瘡癭癰癭結核等
 醋摩傳之亦剝人面皮除疥癬生山中濕地
 一名金燈花葉似車前根如慈菘零陵間又
 有團慈菘根似小蒜所主與此各同

新補見陳藏器及日華子
 經驗方貼瘡腫以山慈菘一名鹿蹄草取
 莖葉搗為膏入蜜貼瘡口上候清血出效
 茵實



茵^音味苦平無毒主赤白冷熱痢散飲之
吞一分破癰腫

唐本注云一作蒨字人取皮為索者也
今按別本注云今人作布及索蒨麻也實

似大麻子熱結癰腫無頭吞之則為頭居
穴九月十月採實陰乾唐本先附

禹錫等按蜀本圖經云樹生高四尺葉似
芋花黃實殼如蜀葵子黑古方用根八月
採實

圖經曰茵實舊不載所出州土今處處有
之北人種以績布及打繩索苗高四五尺
或六七尺葉似芋而薄花黃實帶殼如蜀
葵中子黑色九月十月採實陰乾用古方
亦用根

楊氏產乳治赤白痢茵麻子一兩炒令香
熟為末以蜜漿下一錢不過再服

赤車使者味辛苦溫有毒主風冷邪疰蠱毒
癰疽五藏積氣

唐本注云苗似香蕪蘭香葉莖赤根紫赤

色生溪谷之陰出襄州八月九月採根日

乾唐本先附○禹錫等按蜀本圖經云根

紫如菝葜根生荊州襄州山谷二月八月採

藥性論云赤車使者有小毒能治惡風冷

氣服之悅澤皮肌好顏色

雷公云赤車使者元名小錦枝凡使並蠱

毒用七歲童子小便拌了蒸令乾更臘每

修事五兩用小兒溺一盞為度

根跋子有小毒主惡瘡蠅疥殺蟲魚

陶隱居云出交廣形扁扁爾擣以雜米投

水中魚無大小皆浮出而死人用苦酒摩

療疥亦效○唐本注云此今京下呼黃環

子為之亦謂度谷一名就葛陶云出交廣

今交廣送人太常正是黃環子非餘物爾

今按別本注云味苦寒藤生花紫色

味甘寒主浮熱在皮膚往來寒熱利小

腸膀胱氣生屋上陰處八月九月採

陶隱居云此尾屋上青苔衣剝取煮服之

今按別本注云無毒主小兒癩熱時氣煩

悶止渴○禹錫等按蜀本圖經云古尾屋

北陰青苔衣也

地錦草

地錦



味辛無毒主通流血脉亦可用治氣

生近道田野出滁州者尤良莖葉細弱蔓延

于地莖赤葉青紫色夏中茂盛六月開紅花

細實取苗子用之絡石注有地錦是藤蔓之

類雖與此名同而其類全別

圖經曰地錦草生滁州及近道田野中味

辛無毒主通流血脉亦治氣其苗葉細弱

蔓遍地莖赤葉青赤中夏茂盛六月開紅

花細實今醫家取苗子用之本經絡石條

注中有地錦與此同名而別是一類也

經驗方治藏毒赤白地錦草採得後洗暴

乾為末米飲下一錢立效

敗船如平主婦人崩中吐痢血不止

陶隱居云此是大輻步曲除他益刮竹茹

以捏直前切漏處者取乾蕪之亦燒作屑服之

千金方治婦人遺尿不知出時船故茹為末酒調服三錢

子母祕錄治無故遺血溺挑中故竹茹乾

末酒服三錢事六七日三服

燈心草味甘寒無毒根及苗主五淋生煮服

之生江南滁州叢生莖圓江南長直人將為

席敗席煮服更良附今

經驗方治小兒夜啼用燈心草燒灰塗乳

上與之勝金方治破傷多用燈心草爛

嚼和唾貼之州帛裏血立止又方治小

蟲蟻入耳挑不出者以燈心浸油釣出蟲

衍義曰燈心草陝西亦有蒸熟乾則拆取

中心穰然燈者是謂之熟草又有不蒸者

但生乾剥取者名生草入藥宜用生草

五毒草味酸平無毒根主癰疽惡瘡毒腫赤

白游軫蟲蠶蛇大咬並醋摩傳焙上亦傳莖

葉傳之恐毒入腹亦養服之生江東平地花

葉如蕎麥根桔梗似狗脊一名五載一名蛇

問又別有蠶團草如苧麻與載同名也

新補見陳藏器

鼠麴味甘平無毒調中益氣止洩除痰壓

時氣去熱嗽雜米粉作糗食之甜美生平崗

熟地高八餘葉有白毛黃花荆楚時記云二

月三日取鼠麴汁蜜和為粉謂之龍舌料以

厭時氣山南人呼為香茅取花雜摻皮染褐

至破猶鮮江西人呼為鼠耳草

新補見陳藏器曰華子

刺味寸溫無毒主男子五勞七傷補腰腎

今人有子去風血黃及浸酒服之生山南巖

石上如藕根初生掘取陰乾亦名栗當一名

草從蓉附今

食醫心鏡主陽興事栗當二斤一名列當

持篩末以酒一斗浸經宿隨性飲之

馬味辛平無毒主惡瘡馬疥一名馬疔生

園中久腐處

陶隱居云俗人呼為馬竈勃紫色虛軟狀

如狗肺彈之粉出傳諸瘡用之甚良也

禹錫等按蜀本圖經云此馬疔菌也虛軟

如紫絮彈之紫塵出生濕地及腐木上夏

秋採之

衍義曰馬勃此唐韓退之所謂牛溲馬勃

俱收並蓄者也有大如斗者小亦如升約

去膜以蜜捺拌少以水調呷治候閉咽痛

鼻繩灰水服主噎噎心痛胃滿

今按別本注云辰縣江南有之北人不識

以桐木為屐及屨也用蒲為莖用麻穿其

鼻也久著脚者堪入藥用唐本先附

禹錫等按蜀本圖經云取著經久遠欲爛

斷者水服之良

質汗味甘溫無毒主金瘡傷折瘀血內損補

筋肉消惡血下血氣婦人產後諸血結腹痛

內冷不下食並酒消服之亦傳病處出西蕃

如癡血蓄人煎甘草松淚裡乳地黃并熱血

成之附今

陳藏器云蕃人試藥取兒斷一足以藥內

口中以足搗之當時能走者至良

水蘘主蛇毒瘡傳之絞汁服止蛇毒入內心

悶水煮漬持脚消氣腫

唐本注云葉似蓼莖赤味辛生下濕水傍
 令按別本注云生於淺水澤中故名水蓼
 其葉大於家蓼水按食之勝於蓼子唐本
 先附禹錫等按日華子云水蓼味辛冷無
 毒○集驗方治脚痛先以水蓼煮湯令溫
 熱得所頻頻淋洗瘡乾自安

猶草味甘大寒無毒主濕痺消水氣合赤小
 豆煮食之勿與鹽主脚氣頑痺虛腫小腹急
 小便赤澀擣葉傳毒腫又絞取汁服之主消
 渴生水田中似結縷葉長馬食之爾雅云猶
 蔓于注云生水水中江東人呼為昔證俗云猶
 水草也

新補見陳藏器

衍義曰猶草爾雅曰昔蔓于左傳亦曰
 一薰一蕕十年尚猶有臭者是此草
 敗芒箔無毒主產婦血滿腹脹痛血渴惡露
 不盡月閉上好血下惡血去鬼氣疰痛癥結
 酒煮服之亦燒為末酒下彌久著烟者佳今
 東人作箔多草為之爾雅云芒似茅可以為
 索

新補見陳藏器

狗百草 味苦寒有小毒主蠱疥瘡殺小蟲
 唐本注云葉似車前無文理抽莖花黃白
 細叢生渠壟濕地○今按別本注云疥瘡
 風瘡並皆有蟲為末和塗之即差四月五
 月採莖暴乾唐本先附

海金沙



海金沙 主通利小腸得扼子馬牙消蓬沙共
 療傷寒熱狂出點中郡七月收採生作小株
 才高一二尺收採全科於日中暴之令小乾
 紙襯以杖擊之有細沙落紙上旋收之且暴
 且擊以沙盡為度用之或丸或散
 圖經曰海金沙生黔中山谷湖南亦有初
 生作小株高一二尺七月採得日中暴令
 乾以紙襯擊取其沙落紙上旋暴旋擊沙
 盡乃止主通利小腸亦入傷寒狂熱藥今

醫治小便不通臍下滿悶方海金沙一兩
 臘面茶半兩二味擣碎合細每服三錢煎
 生薑甘草湯調下服無時未通再服

萱草



萱草 根涼無毒治沙淋下水氣主酒疸黃色
 通身者取根擣絞汗服亦取嫩苗煮食之又
 主小便赤澀身體煩熱一名鹿葱花名宜男
 風土記云懷妊婦人佩其花生男也

新補見陳藏器曰華子

圖經云萱草俗謂之鹿葱處處田野有之
 味甘而無毒主安五藏利心志令人好歡
 樂無憂輕身明目五月採花八月採根用
 今人多採其嫩苗及花跗作菜云利曾隔
 甚佳
 嵇康養生論云合歡獨念萱草忘憂心中
 行義曰萱草根洗淨研汁一大盞生薑汁

半益相和時時細呷治大熱衄血

格注 味辛苦温有大毒主蠱症諸毒攻痛

等注齊魯山澤

唐本注云葉似蕨根紫色若紫草根一株

有二十許一月八月採根五月六月採苗

日乾唐本先附

唐本餘注云圖經出齊州兗州山谷間

雜錄中草 主小兒白禿瘡和白頭翁花燒灰

臘月猪脂傅之瘡先以酸泔洗然後塗之又

主小兒夜啼安席下勿令母知

新補見陳藏器日華子

千金方治產後遺尿故雞窠中草燒作末

酒服二錢匕即差

雜冠子 涼無毒止腸風瀉血赤白痢婦人崩

中帶下入藥炒用

新補見陳藏器日華子

地 味辛温有小毒主淋腫痛可作殺蛙

蟲藥出上黨郡其苗覆地蔓生莖葉甚細花

作小紫色紫白因舊莖而生新定

草三稜 根味甘平温無毒療產後惡血通月

水血結墮胎破積聚癥瘕止痛利氣一名雞

瓜三稜生蜀地二月八月採附今

合明 味甘寒無毒主暴熱淋小便赤澀小

兒疾病明目下水止血痢痔絞汁服生下濕

地葉如四出花向夜即葉合

新補見陳藏器

風 味甘温無毒主風血去諸冷益老起陽

浸酒服之生姑藏以西苗根並似黃精根鹿

好食附今

敗天公平主鬼症精魅

陶隱居云此人所戴竹笠之敗者也取上

竹燒酒服之

一十一種陳藏器餘

毛茛鈎吻注陶云鈎吻或是毛茛蘇云毛茛

是有毛石龍芮也百一方云菜中有水茛葉

圓而光有毒生水旁醫多食之蘇云又注似

水茛無毛其毛茛似龍芮而有毒也

陰命鈎吻注陶云有一物名陰命赤色著木

懸其子生海中有毒又云海薑生海中赤色

狀如龍芮亦大毒應是此也今無的識之者

毒菌地漿注陶云山中多有毒菌地漿解之

地生者為菌木生者為樞江東人呼為葶爾

雅云中虺菌注云地葶子也或云地雞亦云

慶頭夜中光者有毒黃不熟者有毒黃乾照

人無影者有毒有惡毒鳥從下過者有毒飲

爛無蟲者有毒冬春無毒及秋夏有毒者為

蛇過也

草禹餘糧注陶云南人又呼平澤中一藤如

菘葵為餘糧言禹採此當糧根如蓬連綴半

在上上皮如茯苓肉赤味澀入取以當穀不

飢調中上洩健行不睡云昔禹會諸侯棄糧

於地化為此草故名餘糧今多生海畔山谷

之地

鼠薺草莎草注陶云別有鼠薺草俗體異此

有名無用條有薺草味苦寒主温瘧寒熱酸

斯利氣生淮南山谷即此也

廉薑杜若注陶云若似廉按廉薑熱主胃中

冷吐水不下食似薑生嶺南劔南人多食之

草石蠶蟲石蠶注陶云今俗用草根黑色按

草石蠶生高山石上根如箸上有毛節如蠶

葉似卷柏山人取浸酒除風破血主溪毒食之本經從蟲部出復有蟲石蠶已出拾遺漆姑草杉木注陶云葉細細多生石間按漆姑草如鼠跡天生堦墀間陰處氣辛烈主漆瘡按碎傳之熱更易亦主溪毒瘡蘇云比蜀

羊泉羊泉是大草非細者乃同名耳

麋目草注陶云麋目小冷按鹿目云出嶺南如麋目食之發冷痰餘別無功

梨豆蚶注陶云蛇膽如梨豆生江南蔓如葛子如皂莢子作狸首文故名梨豆爾雅云

慮涉子人炒食之一名虎涉別無功諸草有

毒瓜兩蒂兩鼻害人瓜瓠正苦有毒釐溜滴

著菜有毒黃黃花害人芹赤葉害人菰首蜜

食下痢生葱不得雜白犬肉食之令人九竅

流血食戎葵并烏肉令人面無顏色食葵發

狂犬咬食葫蔥青魚令人腹生蟲薑不得和

牛肉食成癰疽痼疾婦人妊娠食乾薑令胎

肉消生葱和雞子食變嗽麥蘘食生食令氣

奪之令陰瘡九月食霜下瓜血必久發三月

事六

三十一

苦

圖經衍義本草卷之十九

正一天師清微弟子 洪百堅 製作
道教學術資訊網站

圖經衍義本草卷之二十

君一

木部上品

桂

宋通直郎辨驗藥材寇宗奭集
宋大醫助教辨驗藥材許洪校正

